

**Қазақстан Республикасының Үкіметі мен Грузияның Атқарушы Өкіметі арасындағы
Экономикалық ынтымақтастықты тереңдету туралы келісімді бекіту туралы**

Қазақстан Республикасы Үкіметінің Қаулысы 1999 жылғы 20 мамыр N 594

Қазақстан Республикасының Үкіметі қаулы етеді:

1. 1998 жылғы 22 қазанда Тбилиси қаласында жасалған Қазақстан Республикасының Үкіметі мен Грузияның Атқарушы Өкіметі арасындағы Экономикалық ынтымақтастықты тереңдету туралы келісім бекітілсін.
2. Осы қаулы қол қойылған күнінен бастап күшіне енеді.

Қазақстан Республикасының
Премьер-Министрі

Қазақстан Республикасының Үкімет мен Грузияның
Атқарушы Өкіметі арасындағы Экономикалық
ынтымақтастықты тереңдету туралы
Келісім

Бұдан әрі Мәртебелі Уағдаласушы Тараптар деп аталатын Қазақстан Республикасының Үкіметі мен Грузияның Атқарушы Өкіметі,

1993 жылғы 1 маусымдағы Қазақстан Республикасы мен Грузия Республикасы арасындағы Қарым-қатынастардың негіздері туралы шартты, 1996 жылғы 17 қыркүйектегі Қазақстан Республикасы мен Грузия арасындағы Экономикалық қарым-қатынастардың негіздері туралы декларацияны, 1997 жылғы 11 қарашадағы Қазақстан Республикасы мен Грузия арасындағы Ынтымақтастықты одан әрі дамыту туралы декларацияны, сондай-ақ басқа да екі жақты құжаттарды басшылыққа ала отырып,

мемлекетаралық интеграция экономикалық дамудың аса маңызды элементтерінің бірі болып табылатынын есепке ала отырып,

тең құқықты әрі өзара пайдалы сауда-экономикалық және өндірістік қарым-қатынастарды одан әрі нығайту және дамыту, оларға ұзақ мерзімді және

тұрақты сипат беру, екі мемлекеттің экономикалық әлеуетін тиімді пайдалану және олардың халықтарының әл-ауқатын арттыру қажеттілігін негізге ала отырып, өз мемлекеттерінің өндірістік және интеллектуалдық әлеуетін өзара тиімді пайдалану қажеттігін растай отырып,

экономикалық реформаларды жүзеге асыруды үйлестіруге, тауарлардың, қызмет көрсетулердің, капиталдардың және жұмыс күшінің еркін ауыспалылығына кезең-кезеңмен көшу үшін жағдайлар жасауға зор маңыз бере отырып,

Тәуелсіз Мемлекеттер Достастығы шеңберіндегі уағдаластықтар негізінде іс жүзіндегі өзара іс-әрекетті есепке ала отырып, жан-жақты ынтымақтастықты бұдан әрі қарай тереңдетуге ұмтыла отырып,

төмендегілер туралы келісті:

1-бап

Мәртебелі Уағдаласушы Тараптар экономикалық ынтымақтастықты ұзақ мерзімді әріптестік, теңдік пен өзара пайда принциптерінде, меншік нысанына және бағыныстылығына қарамастан екі мемлекеттің шаруашылық жүргізуші субъектілері арасында байланыстар орнату жолымен екі мемлекеттің ұлттық мүдделерін ескере отырып, халықаралық құқықтың жалпы жұрт таныған нормалары мен ережелеріне сәйкес жүзеге асырады.

2-бап

Мәртебелі Уағдаласушы Тараптар халықаралық құқық нормаларын сақтай отырып және Мәртебелі Уағдаласушы Тараптар мемлекеттерінің ұлттық заңдарына сәйкес сыртқы экономикалық қызмет саласында нормативтік- құқықтық базаны жақындастыру, инвестицияларды көтермелеу және өзара қорғау, кәсіпкерлікті қолдау және дамыту, жекешелендіруге қатысу үшін қолайлы жағдайлар жасайтын болады.

3-бап

Мәртебелі Уағдаласушы Тараптар ұлттық тауар өндірушілерді қолдау және қорғау шараларының жүйесін әзірлейді және жүзеге асырады;

трансұлттық бірлестіктердің, қаржы-өнеркәсіптік топтардың, холдингтердің, кооперация негізінде бірлескен өндірістік құрылымдардың құрылуын көтермелейді;

Мәртебелі Уағдаласушы Тараптар мемлекеттерінің ұлттық заңдарына сәйкес өз мемлекеттерінің аумақтары арқылы транзит үшін қолайлы жағдайлар жасайды;

ортақ мүддені білдіретін экологиялық проблемаларды шешуде, ғылыми-ізвестіру зерттеулерін жүргізуде өзара іс-қимылды қамтамасыз етеді.

4-бап

Мәртебелі Уағдаласушы Тараптар, халықаралық рыноктарға көмірсутегі шикізатын тасымалдау мәселелеріне зор маңыз бере отырып, Грузияның аумағын транзиттік дәліз ретінде пайдаланудың мүмкіндігіне қызығушылық білдірді.

5-бап

Мәртебелі Уағдаласушы Тараптар, 1998 жылғы 8-қыркүйектегі Еуропа-Кавказ-Азия дәлізін дамыту жөніндегі халықаралық көлік туралы Негізгі көп жақты келісімнің ережелеріне өздерінің адалдықтарын білдіре отырып;

экономиканы интеграциялау және сауда-экономикалық байланыстарды екі жақты, сондай-ақ көп жақты деңгейлерде жандандыру мақсатында Еуропа-Кавказ-Азия көлік дәлізін пайдалану саласында өзара іс-қимыл жасауға;

Ақтау, Батуми және Поти қалаларының айлақтарын жүк тасқынының транзиті үшін пайдалана отырып,
аймақаралық ынтымақтастықты жандандыруға келісті.

6-бап

Мәртебелі Уағдаласушы Тараптар бірлескен қазақстан-грузин үкіметаралық комиссиясын құрады, оған мынадай міндеттер жүктейді:
осы Келісім ережелерінің орындалуына бақылау жасауды және оны үйлестіруді;

ынтымақтастықтың ұзақ мерзімді Бағдарламасын және оны іске асыру жөніндегі шаралардың жыл сайынғы Жоспарын әзірлеу.

7-бап

Осы Келісімнің ережелерін түсіндіруге және қолдануға қатысты даулар консультациялар және келіссөздер жолымен реттелуге жатады.

8-бап

Осы Келісім Мәртебелі Уағдаласушы Тараптардың өзге де халықаралық шарттарынан туындайтын құқықтары мен міндеттемелеріне әсер етпейді.

9-бап

Осы Келісімге енгізілетін барлық өзгерістер мен толықтырулар осы Келісімнің ажырамайтын бөлігі болып табылатын жеке Хаттамамен ресімделетін болады.

10-бап

Осы Келісім Мәртебелі Уағдаласушы Тараптардың оның күшіне енуі үшін қажетті мемлекетішілік процедураларды орындағанын растайтын соңғы жазбаша мәлімдеме алынған күннен бастап күшіне енеді және 5 жыл бойы қолданыста болады.

Егер Мәртебелі Уағдаласушы Тараптардың ешқайсысы Келісімнің

қолданылу мерзімінің аяқталуына 6 ай қалғанға дейін оның қолданысын тоқтату туралы өз ниетін екінші Мәртебелі Уағдаласушы Тарапқа мәлімдемесе, осы Келісімнің қолданылу мерзімі келесі 5 жылға өздігінен ұзартылатын болады.

Осы Келісімнің қолданысын тоқтату ынтымақтастықтың ұзақ мерзімді Бағдарламасына сәйкес іске асырылатын жобаларды жүзеге асыруға әсер етпейді.

Тбилиси қаласында, 1998 жылғы 22 қазанда әрқайсысы грузин, қазақ және орыс тілдерінде екі дана болып жасалды және де барлық мәтіндердің күші бірдей.

Грузияның Атқарушы
Өкіметі үшін

Қазақстан Республикасының
Үкіметі үшін

Оқығандар:
Орынбекова Д.
Нарбаев Е.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК